



15. april 2010

Inatsisartut suleriaasianni § 36, immikkoortoq 1 naapertorlugu matumuuna imaattumik Naalakkersuisunut apeqquteqarpugut:

**Apeqqut: Meeqqat angerlarsimaffiup avataanut inissinneqarsimasut Kommunit akissaqannginnerisigut angerlartinneqaannartariaqalersimanerat ilumoorpa? Tamanna ilumoorsimappat Naalakkersuisut qanoq iliuseqarnissaminnik eqqarsaateqarpat?**

(Inatsisartuni ilaasortat Finn Karlsen, Siverth K. Heilmann, Knud Kristiansen, ATASSUT)

**Tunngavilersuut:**

Pisortat suliassaqarfiisa aaqqissuunneqarnerat aatsaat timitalersorneqaleruttortoq tamatumalu malitsigisaanik Nunatsinni Kommunit kattussuuteqqammersut Naalakkersuisut taakkulu partiivisa annertuumik sipaarniarfigimmatigit sipaarniarnerup kingunerisaanik Kommunit isumagisassaminnik naammassinninniaruminaatsitsilersimani innuttaasut kiffartuunneqarnerisa ajorseriaateqarnissaa ATASSUT-mit aarleqqutigaarput.

Innersuussutigalugu Isumaginninnermi inatsisit malillugit sullissusoqarnissaa Namminersorlutik Oqartussat nakkutigisassarigaat matumuuna apeqquteqaatigissavarput meeqqat angerlarsimaffiup avataanut inissinneqarsimasut inissisimanerannut Kommunit akissaarullutik angerlartiinnartalersimagaat Naalakkersuisut ilisimasaqalersimansoq tamannalu ilumoorsimappat Naalakkersuisut Kommuninut qanoq iliuseqarnissaminnik eqqarsaateqarnerisut ilanngullugu paaserusupparput.

Inussiarnersumik inuullaqqusilluta

ATASSUT sinnerlugu Inatsisartuni ilaasortat